



А Ж Р И М

(даъво аризасини кўрмасдан қолдириш)

Фарғона тумани

2021 йил 2 апрель 4-1501-2102/830-сонли иш

Фарғона туманлараро иқтисодий судининг судьяси Д.С. Акрамова раислигида, Р.Рахматовнинг котиблигида, даъвогар вакиллари И.И. Отахўжаев ва Б.А. Юлдашев (13.03.2021 йилдаги 138 ва 01.04.2021 йил кунги 151-сонли ишончномалар асосида) иштирокида, Ўзбекистон Савдо-саноат палатаси Фарғона вилоят ҳудудий бошқармасининг даъвогар “FERGANA-OSEANA” масъулияти чекланган жамияти шаклидаги хорижий корхонаси манфаатини кўзлаб судга киритилган жавобгар “MAG’ZUNABONU ZAMINI” фермер хўжалигидан 7 442 762 сўм жарима ундириш тўғрисидаги даъво аризаси бўйича кўзгатишган иқтисодий ишни Фарғона тумани, Ямбароқ маҳалла фуқаролар йиғини биносида, сайёр очик суд мажлисида кўриб чиқиб қуйидагиларни

А Н И Қ Л А Д И :

Ўзбекистон Савдо-саноат палатаси Фарғона вилоят ҳудудий бошқармаси даъвогар “FERGANA-OSEANA” масъулияти чекланган жамияти шаклидаги хорижий корхонаси (бундан бун матнда МЧЖ деб юритилади) манфаатида судга даъво ариза билан мурожаат қилиб, жавобгар “MAG’ZUNABONU ZAMINI” фермер хўжалигидан (бундан буён матнда Фермер хўжалиги деб юритилади) 7 442 762 сўм жарима ва почта харажати ундиришни, ишни палата вакили иштирокисиз кўришни сўраган.

Суднинг 16.03.2021 йил кунги ажрими билан низо предметида мустақил талаблар билан арз қилмайдиган 3-шахс сифатида Фарғона тумани ҳокимлиги жалб этилган.

Суд ишни Савдо-саноат палатаси вакили иштирокисиз кўриб чиқишни мумкин деб топди.

Даъвогар вакиллари даъводан воз кечиш ҳақидаги 02.04.2021 йил кунги рақамсиз аризани тақдим этишди.

Жавобгар ва низо предметида мустақил талаблар билан арз қилмайдиган 3-шахс сифатида жалб этилган шахс вакиллари судга келишмади.

Ўзбекистон Республикаси Иқтисодий процессуал кодекснинг 107-моддаси биринчи қисмининг 8-бандига мувофиқ “даъвогарнинг манфаатларини кўзлаб прокурор, давлат органи ва бошқа шахс томонидан тақдим этилган даъводан даъвогар воз кечган бўлса” даъво аризасини кўрмасдан қолдириш учун асос бўлади.

Суд даъвогар томонидан берилган аризани инобатга олиб даъво аризасини кўрмасдан қолдиришни, тўланган почта харажати даъвогар



зиммасида қолдириб, давлат божини даъвогардан ундиришни лозим деб топади.

Юқоридагиларга асосан, суд Ўзбекистон Республикаси Иқтисодий процессуал кодексининг 107, 108, 195-моддаларини қўллаб,

А Ж Р И М Қ И Л Д И :

Даъво аризаси кўрмасдан қолдирилсин. Даъвогар тўлаган 19 600 сўм почта харажати зиммасида қолдирилсин.

Даъвогар “FERGANA-OSEANA” масъулияти чекланган жамияти шаклидаги хорижий корхонасидан республика бюджети ва суд хокимияти органларини ривожлантириш жамғармасига 245 000 сўм давлат божи ундирилсин.

Мазкур ажрим устидан бир ой муддат ичида шу суд оркали Фарғона вилоят судининг иқтисодий ишлар бўйича апелляция судлов ҳайъатига шикоят қилиниши (прокурор протест келтириши) мумкин.

Судья

Д.С. Акрамова

